

Om Stryn Omsorgssenter:

Stryn Omsorgssenter er inndelt i institusjon og heildøgns bemanna omsorgsbustader i fellesskap.

Institusjonen Fiolen/Lyngen har 31 plassar fordelt seg i mellom.

Ved Stryn Omsorgssenter har vi eige kjøkken, aktivitetsavdelinga Buketten og fysioterapeutar. Det er også lokale til frisør og fotpleiar i 1.etg. Ta kontakt med personalet i avdelinga for å sette opp time (eigenbetaling hos frisør og fotpleiar).

Opphald og tenester:

Fiolen og Lyngen er begge langtidsavdelingar, men ved Fiolen blir det også gjeve tilbod om kortids- og rehabiliterings- og avlastningsopphald. Alle opphald skjer etter søknad, og tildeling av tenester blir handsama i *Tildelingsnemnda* som fattar vedtak.

Forsikring:

Pasientar på Fiolen og Lyngen har forsikring som dekker følgeskade etter ei primærskade, som til dømes etter brann- eller vasskade. Vi anbefala om ønskjeleg at kvar einskild i tillegg teiknar ein privat forsikring som omfattar uforutsette skader, eller at gjenstanden ikkje blir funne att.

Pasienten ved Fiolen og Lyngen er sjølv ansvarleg for pengar og verdigjenstandar som blir tekne med inn i institusjonen.

Aktivitetstilbod:

Ved Stryn Omsorgssenter har vi eiga aktivitetsavdeling, Buketten. Dei har aktivitetar i eigne lokale i 1.etg. Dette er aktivitetar som til

dømes trim, bingo, songstund og andakt. Ved Stryn Omsorgssenter har vi også frivillige lag og organisasjonar som bidreg med aktivitetar som måndags kafé, dans og trilleturar.

Besøk:

Vi likar å få besøk, og ein kan kome på besøk når det passar. Om ein vel å kome på besøk rundt måltid ber vi om at besøket skjer på rommet slik at det blir mest mogleg ro rundt måltidet for øvrige brukarar.

Brukar- og pårønderåd:

Stryn Omsorgssenter har brukar- og pårønderåd. Brukar- og pårønderådet tek opp saker som er til nytte for alle bebuarar ved Stryn Omsorgssenter. Dei går ikkje inn på enkelt- og/eller personsaker.

Feiringar:

Ved bursdagar lagar kjøkenet bursdagskake som blir levert til avdelinga. Dersom ein ønskjer å feire bursdag utanfor avdelinga er det mogleg å nytte fellesareal på huset. Spør personalet på avdelinga for moglegheiter og eventuelt booking av areale. Det er mogleg å låne servise.

Innflytting:

På institusjonen får ein seng, nattbord, skap, gardiner og nødvendige hjelpemidler. Personlege gjenstandar kan takast med. Der er viktig at romma blir innreda med private gjenstander slik at det blir heimekoseleg, men samtidig er det ein arbeidsplass for personale. Det betyr at det må være plass til at personale kan nytte nødvendige hjelpemidlar og ha gode arbeidsstillingar. Av

hygieneprodukt har vi standars sjampo, dusjsåpe, og fuktigheitskrem. Dersom ein ønskjer spesielle merker må ein kjøpe dette sjølv. Ein må også kjøpe deodorant og barbersaker sjølv. Inkontinensutstyr og medisinar vert dekkja av institusjonen.

Når ein får plass ved Fiolen og Lyngen må ein rekne med å kunne måtte flytte rom, evt. bytte avdeling utifrå ditt behov. Det er avdelinga, tilsynslege og einingsleiar som vurderer behov og plassering.

Ved utflytting må alle personlege eigendelar hentast. Institusjonen har ikkje anledning å lagre- eller overta møblar.

Lege, tannlege og fysioterapeut:

Det er tilknytt tilsynslege ved institusjonen. Denne kjem på visitt to gongar i veka, og har det medisinske ansvaret for pasientane. Stryn Omsorgssenter har fast avtale med tannhelsetenesta om årlege tilsyn ved institusjonen. Fysioterapeutar følger opp pasientar etter behov.

Klesvask: Private klede blir vaska ved avdelinga. Det er svært viktig at alle kle blir merka med pasientens namn. Vi oppmodar pårørande å hjelpe til med merking av klede ved innflytting, og elles ved påfyll av nye klede.

Post: Post blir levert avdelinga, og personalet sørger for at den blir lagt på rommet til pasienten.

Tv og internett: Det er uttak for tv og internett på alle rom. Pasientane må sjølv halde tv. Tilgong til fiber kan ein nytte utan ekstra kostand.



STRYN KOMMUNE

Velkommen til Fiolen og Lyngen

Kontakt:

Fiolen: 95 97 05 74

Avd.leiar Fiolen: 94 82 83 29

Lyngen: 48 20 18 06

Avd.leiar Lyngen: 94 84 04 78

Einingsleiar: 917 21 617